

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-22593/17
Sarajevo, 26.01.2018.godine

Na temelju člana 25. i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine, a na preporuku Komisije za javnu nabavku radova - putem otvorenog postupka za zaključenje ugovora, Općinski načelnik d o n o s i:

O D L U K U
o izboru najpovoljnijeg ponuđača u predmetu -
Izvođenje radova na izgradnji parkinga sa parkomatom

I

Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na izgradnji parkinga sa parkomatom (broj obavještenja 422-1-3-250-3-138/17 objavljenom u Službenom glasniku br. 84/17 dana 24.11.2017.godine i na Portalu javnih nabavki Agencije za javne nabavke BiH dana 16.11.2017.godine) dodjeljuje se ponuđaču Konzorcij: Process Control doo Sarajevo i Bosman doo Sarajevo, sa ukupnim iznosom ponude 158.798,22 KM sa uračunatim PDV-om.

II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama (u daljem tekstu: Zakon). Zapisnik sa otvaranja ponuda i Zapisnik o pregledu i ocjeni ponuda Komisije za javnu nabavku radova sa preporukom za dodjelu ugovora u spisu.

III

Zadužuje se Služba za zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

IV

Obavezuje se ponuđač iz tačke I ove Odluke da u roku od 5 (pet) dana od zaprimanja iste, dostavi dokumente navedene u podtački 3.1.3. tenderske dokumentacije, a u skladu sa članom 45. stav 2. tačka od a) do d) Zakona. Dokaze o ispunjavanju ovog uslova, dostaviti na način kako je to definisano u podtački 3.1.4. tenderske dokumentacije.

Obavezuje se ponuđač iz tačke I ove Odluke da u roku od 5 (pet) dana od zaprimanja iste dostavi dokument iz podtačke 3.3.1. tenderske dokumentacije koja se odnosi na ekonomsku i finansijsku sposobnost-potvrda od strane Centralne banke BiH.

Svi dokazi/dokumenti koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

Obrazloženje

Postupak javne nabavke pokrenut je Odlukom o pokretanju postupka javne nabavke u predmetu Izvođenje radova na izgradnji parkinga sa parkomatom br. 02/12-23-22593/17 od 15.11.2017.godine. Odlukom o pokretanju postupka javne nabavke, procjenjena vrijednost javne nabavke bez PDV-a iznosi 136.752,14 KM, a vrijednost nabavke sa uračunatim PDV-om iznosi 160.000,00 KM. Javna nabavka provedena je putem Otvorenog postupka za dostavu ponuda br. 422-1-3-250-3-138/17 objavljenom u Službenom glasniku br. 84/17 dana 24.11.2017.godine i na Portalu javnih nabavki Agencije za javne nabavke BiH dana 16.11.2017.godine.

Zapisnikom sa otvaranja ponuda od 05.12.2017.godine, Komisija je utvrdila da su u ostavljenom krajnjem roku za otvaranje ponuda, blagovremeno i propisno upakovane dostavljene dvije (2) ponude i to od strane ponuđača: Mibral doo Sarajevo i Konzorcij: Process Control doo Sarajevo i Bosman doo Sarajevo. Zapisnik sa otvaranja ponuda dostavljen ponuđačima na fax.

U postupku analize ponuda, Komisija je detaljnim uvidom u zaprimljene ponude, odnosno dokumentaciju, kojom su ponuđači dokazali svoje kvalifikacije za učešće u ovom postupku, utvrdila da obje ponude ispunjavaju formalno-pravne i kvalifikacione uslove navedene u obavještenju o nabavci i tenderskoj dokumentaciji.

Evalvacijom ponuda, Komisija je utvrdila da je ponuđač Konzorcij: Process Control doo Sarajevo i Bosman doo Sarajevo u okviru ponude dostavio Katalog sa tehničkim karakteristikama opreme. U skladu sa odredbama člana 68. stav (4) tačka f) Zakona od strane istoimenog ponuđača, aktima od 10.01.2018.godine i 15.01.2018.godine, Komisija je tražila dodatna pojašnjenja za ponuđenu tehničku dokumentaciju opreme. Dostavljenim dodatnim pojašnjenjima od 12.01.2018.godine i 16.01.2018.godine, ponuđač je potvrdio da se radi o opremi "tehničkih karakteristika, koja je ekvivalent sličnih, a u pojedinim funkcionalnostima i boljih karakteristika od predložene opreme". Na osnovu ovih ponuđačevih pojašnjenja, ponuđena oprema ocjenjena je kao adekvatna u odnosu na projektovanu.

Komisija je izvršila i računsku kontrolu zaprimljenih ponuda, te utvrdila da je ponuda MIBRAL doo Sarajevo računski ispravna.

Vršeći računsku analizu ponude Konzorcij: Process Control doo Sarajevo i Bosman doo, uočeno je da je na strani 28 ponude, u obaveznoj rubrici "Nepredviđeni radovi 5%" ponuđač propustio upisati iznos od 6.803,25 KM (5% od 136.065,15 KM). Analogno navedenom, na strani 20 ponude u Izjavi ponuđača (Aneks 2), navedena cijena ponude bez PDV-a iznosi 136.065,15, a trebala bi iznositi 142.868,40 KM, nakon što se doda naprijed navedeni iznos "Nepredviđenih radova 5%". Navedeno je uticalo i na ponuđeni popust u iznosu 5% i na iznos PDV-a, tako da ukupna cijena ponude sa PDV-om iznosi 158.798,22 KM.

U skladu sa primjenom Zakona, Komisija je dostavila ponuđaču akt kojim je traženo pojašnjenje uočenog računskog propusta. Aktom od 12.12.2017.godine ponuđač je potvrdio gore navedeno i saglasio se da ukupna cijena ponude sa PDV-om iznosi 158.798,22 KM.

Za predmetnu nabavku provedenu putem otvorenog postupka za dodjelu ugovora u predmetu Izvođenje radova na izgradnji parkinga sa parkomatom dostavljene su dvije (2) ponude, koje su računski ispravne i ispunjavaju kvalifikacione uslove date u tenderskoj dokumentaciji. Shodno članu 64. Zakona stav b), Komisija je pravilno i potpuno izvršila ocijenu kvalificiranosti ponuda, te poređenje i rang listu prispjelih ponuda shodno kriteriju najniža cijena (tačka 5.1. tenderske dokumentacije - najniža cijena) i utvrdila da je ponuda ponuđača Konzorcij: Process Control doo Sarajevo i Bosman doo Sarajevo, ocjenjena kao najpovoljnija sa ponuđenom cijenom za ugovor 158.798,22 KM sa uračunatim PDV-om.

Rang lista preostalih ponuda:

Mhbral doo Sarajevo.....u iznosu od 193.222,54 KM sa PDV-om

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom, podzakonskim aktima i tenderskoj dokumentaciji, u cijelosti se prihvata Zapisnik o otvaranju ponuda i Zapisnik o pregledu i ocjeni ponuda sa preporukom za dodjelu ugovora. Na osnovu gore navedenog, odlučeno je kao u dispozitivu Odluke.

Pouka o pravnom lijeku

Ponuđači koji su sudjelovali u postupku nadmetanja mogu radi zaštite svojih prava i pravnih interesa, izjaviti žalbu ugovornom organu u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
Enisa Babić, dipl. pravnik

Dostaviti:

1. Ponuđačima- učesnici postupka
2. Služba za zajedničke poslove
3. Arhiva/ u spis

